



## Publicaziuns dalla vischnaunca, jamna 40

### Elecziuns dil cussegl naziunal, dil cussegl dils stans e votaziuns communalas

**L'urna principala** en casa communalas ei aviarta sco suonda:

Dumengia: 22-10-2023, 09.00-11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 20 d'october 2023, allas 14.00**, tier l'administraziun communalas (tel. 081 920 36 36).

#### Levgiament da votar

Mintga votant(a) ha la pussevliadad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (basegna negina francatura) ni directamein fierer en la scaffa da brevs dalla casa communalas

Ils cedels da votar ston esser sil pli tard la dumengia, ils 22 d'october 2023 allas 11.00 tier l'administraziun communalas.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

Suprastonza communalas

### Damonda da baghegiar

**2023-1069.000**

**Datum dalla publicaziun: 6 d'october 2023**

Patruns: Christian & Maria Gabriela Eberle, Zollikerstrasse 227, 8008 Zürich  
Representant: Hüs Architektur und Handwerk GmbH, Albulastrasse 29 7411 Sils im Domleschg  
Intenziun: Remplazzament dil scaldament entras ina nova pompa da calira d'aria  
Edifeci nr.: 370  
Parcella: 3920  
Adressa: Via Curtins 5.1, 7186 Segnas  
Zona: – Zona dil vitg  
– Areal da habitadis protegi generalmein  
– Ulteriurs baghetgs cun prescripziuns da protecziun  
Zona da prighel: Negina

#### Protestas:

Ils plans da construcziun ein deponi tier l'administraziun communalas. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér



---

**Revisiun parziala dalla planisaziun locala «Explotaziun da crappa Ragisch-Mumpé Medel»  
Exposiziun publica da cooperaziun**

En applicaziun d'igl art. 13 dall'ordinaziun cantunala davart la planisaziun dil territori per il cantun Grischun (OPTGR) ha liug l'exposiziun publica da cooperaziun per ina revisiun parziala dalla planisaziun locala dalla vischnaunca da Disentis/Mustér.

Object: Revisiun parziala dalla planisaziun locala «Explotaziun da crappa Ragisch-Mumpé Medel»

Acts d'exposiziun:

– Plan da zonas e plan general da formaziun 1:500

Annexas:

- Rapport da planisaziun
- Rapport tecnic tier la damonda da construcziun
- Rapport explicativ

Termin da publicaziun: 30 dis naven dils 8 d'october entochen ils 8 da november 2023

Liug e temps d'exposiziun: Casa communal (stanza nr. 10), Via Cons 2, 7180 Disentis/Mustér durant las uras da spurtegl ni online [www.disentis.ch/download/exposiziun\\_publica\\_da\\_cooperaziun](http://www.disentis.ch/download/exposiziun_publica_da_cooperaziun).

Propostas motivadas per midar ni completar ils mieds da planisaziun ein da far a scret entochen ils 8 da november 2023 (datum dil bul postal) alla suprastonza communal, Via Cons 2, 7180 Disentis/Mustér.

Suprastonza communal Disentis/Mustér

---

**Clom d'urgenza 118**

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun. Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala

---

**Rimnada da pupi**

**Venderdis, ils 6-10-2023**

Preziadas convischinas, prezias convischins. La rimnada da pupi d'october ha liug sco usitau.

Adatg! Ei vegn mo rimnau gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e buca durant la rimnada.

Bien engraziament per Vies agid e sustegn!

Nossa Scola populara Mustér, Ch. Berger

---



---

### Allianza dil Center Surselva envida ad in'occurrentza publica

**Mesjamna, ils 11 d'october 2023** organisescha l'Allianza dil Center Surselva ina sera tematica davart il luf. L'occurrentza ha liug allas 20:00 el Center Fontauna a Mustér.

#### Program

Referats:

- «luf e biodiversitad», biolog Stefan Züger
- «luf e politica», cusseglier diils stans
- Stefan Engler
- «luf e turissem», co-president AdC GR e – CEO Surselva Turissem
- «luf ed agricultura», co-president da
- fracziun AdC GR e pur
- discussiun libra

L'Allianza dil Center Surselva envida in e scadin a questa sera tematica a Mustér en Sala Fontauna.

Allianza dil Center Surselva

---

### Presentaziun dil cudisch «Pissiuns – revista d'in muntagnard da Felici Schuoler»

Venderdis, ils **6 d'october 2023 allas 19.00** el center AUA VIVA dalla Pleiv reformada Cadi. Tgi che ha plascher da leger ed udir historias biograficas da temps che paran gia vargai ei cordialmein envidaus.

Beinvegni el num digl autur e dalla casa editura rein

---